

Ezame-médiku Servikál: ezaminasaun kolposkópia

Atualizadu fulan Dezembru 2023





Tansá mak ha'u ba klinika kolposkópia ne'e?

Ita hetan ona konvite atu ba hala'o ezaminasaun kle'an tanba Ita-nia Ezame-médiku servikál hatudu mudansa sélula balun iha Ita-nia servís. Mudansa sira ne'e hanesan sinál sedu katak moras kankru servikál bele dezenvolve iha futuru. Importante atu lembra katak oituan liu husi mudansa sira ne'e mak sai moras kankru.



Saida mak kolposkópia ne'e?

Kolposkopia mak ezaminasaun simples ba servís hodi uza kolposkópiu (tipu lupa ida). Ida ne'e fasilita doutór ka enfermeiru espesializadu ida haree besik liu ba iha mudansa sira iha Ita-nia servís atu decide se Ita presiza tratamentu ka lae. Ezaminasaun ne'e atu hanesan ho ezame médiku nune'e fetu balun dala ruma sente la konfortável.

Kolposkopia bele hala'o ho seguru durante isin rua no sei la afeta hahoris Ita-nia bebé, ka Ita-nia abilidade atu isin rua tan iha futuru.



Karik ha'u tenke prepara antes?

Doutór no enfermeiru espesializadu balun prefere la halo kolposkopia wainhira Ita iha menstrusaun. Ita-nia karta marka konsulta nian sei esplika ba Ita oinsá mak atu halo tan marka konsulta, se nesesáriu.

Ezaminasaun ne'e presiza de'it minutu 15 maibé Ita presiza husik pelumenus oras ida ba Ita-nia vizita ida ne'e. Ita bele lori maluk ka família ho Ita.

Fetu balun sente konfortável liu hatais saia ne'ebé luan ba iha marka konsulta ne'e. Hanesan ne'e Ita presiza de'it hasai Ita-nia roupa laran ba ezaminasaun ida ne'e.

Dala ruma fó'er ka raan sai oituan depoizde ezaminasaun ida ne'e. Di'ak se Ita lori pensu ijiéniku se karik presiza.



Saida mak akontese antes atu halo ezame?

Uluk nanain, doutór ka enfermeiru espesializadu sei husu perguntas balun ba Ita. Ida ne'e kona-ba Ita-nia menstrusaun, tipu kontrasepsaun ne'ebé Ita uza, no operasaun ka moras ruma ne'ebé Ita hetan ona iha pasadu. Ida ne'e ajuda tebes liuliu se Ita bele lembra loron primeiru balta-nia menstrusaun ikus molok Ita mai atende klínika ne'e.



Saida mak akontese durante ezaminasaun ne'e?

Se Ita la hatais saia, entaun ita presiza hasai roupa husi Ita-nia kanotak ba kraik. Sei husu ba Ita atu latan iha sofa espesiál ida ne'ebé iha apoiu ba Ita-nia ain. Enfermeiru ida sei hamutuk ho Ita durante ezaminasaun ida ne'e.

Doutór ka enfermeiru espesializadu ida sei hatama neineik spékulu ida ba iha Ita-nia vajina, hanesan ho Ita-nia konsulta medika antes ne'e. Dala ruma ezaminasaun sei presiza repete. Depoizde ida ne'e espesialista sei ezamina Ita-nia servís hodi uza kolposkópiu. Ida ne'e atu hanesan minoklu iha nia standar no la kona Ita ka tama ba Ita.

Espesialista sei kose líkidu iha Ita-nia servís atu tau marka ba área ruma husi mudansa sélula klaru liu tan. Amostra ki'ik husi Ita-nia isin (biópsia ida) karik sei hasai husi fatin iha área ne'ebé afetadu. Ida ne'e karik sei ki'i oituan maibé sei la moras liu.





Saida mak akontese depoizde ezaminasaun?

Espesialista ne'e karik sei fó sai kedas ba Ita saida mak sira hetan no presiza tratamentu saida se presiza. Karik Ita sei hetan marka konsulta seluk atu fila no ko'alia kona-ba rezultadu husi biópsia ka tratamentu ruma ne'ebé Ita karik presiza.

Depoizde ezaminasaun ne'e, Ita sei sente di'ak de'it hodi kontinua Ita-nia atividade baibain nian. Se Ita hala'o biópsia, karik Ita-nia raan sei sai oituan durante loron balun maibé ida ne'e Ita la presiza preokupa. Ita labele halo relasaun seksuál até loron lima atu fatin biópsia ne'e rekupera. Labele uza tampaun to'o fó'er ne'ebé sai ne'e hotu ona.



Ezaminasaun ne'e sei hatudu saida?

Rezultadu kolposkopia no kualkér biópsia sei hatudu tipu no boot oinsá mudansa sélula iha servís ne'e. Ida ne'e sei hatudu se Ita presiza tratamentu ka lae, se presiza, tratamentu oinsá ne'e. Oituan liu mak biópsia sei hatudu mudansa sélula ne'ebé dezenvolve ona ba sai moras kankru. Operasaun no tratamentu seluk baibain uza atu trata moras kankru servikál.



Oinsá se ha'u presiza tratamentu?

Kualkér tratamentu ne'ebé karik Ita sei presiza baibain simples no barak liu bele halo ho anastésiku rejional nu'udar pasiente esternu. Opsaun tratamentu sei depende ba Ita-nia kazu partikular. Tratamentu ne'e bele hala'o iha Ita-nia vizita dahuluk, maibé iha okaziaun balun ita presiza fila fali ba klínika ne'e atu hetan tratamentu.





Saida mak ha'u presiza halo depoizde tratamentu?

Depoizde tratamentu, karik raan sei sai oituan durante semana neen to'o walu. Durante tempu ida ne'e, wainhira Ita hetan menstrusaun Ita presiza uza pensu ijiéniku duké tampaun. Di'ak liu mós atu evita ezersísiu todan no labele halo relasaun seksuál. Ida ne'e sei ajuda servís atu rekupera lalais liu.



Karik tratamentu ne'e sei afeta ha'u-nia abilidade atu iha oan?

Tratamentu ba mudansa sélula husi servís sei la afeta Ita-nia abilidade atu hetan isin rua. Maske nune'e, tratamentu balun bele aumenta risku atu hetan bebé prematuru iha futuru. Doutór ka enfermeiru espesializadu sei esprika detalla kona-ba risku sira husi tratamentu ne'e.



Karik ha'u presiza halo check up?

Maizumenus fulan neen depoizde tratamentu ne'e Ita karik sei hetan konvite atu halo kontrola tan ezame médiku servikál. Se ezaminaun ida ne'e negativu ba risku aas HPV entaun Ita sei fila fali ba programa ezame médiku rotina no sei hetan konvite iha tinan tolu ka tinan lima, depende ba Ita-nia idade.

Se ezaminaun ida ne'e pozitivu ba risku aas HPV entaun karik Ita sei hetan tan kolposkopia ida tan ka hetan konvite atu hala'o tan ezame médiku seluk depoizde tinan ida.

Maske fetu ida husi lima sei hetan konvite atu fila atu hala'o kolposkopia ida tan, oituan de'it mak presiza tratamentu tan. Ida ne'e tanba presiza liu fulan neen atu Ita-nia sistema imunidade hasai HPV depoizde tratamentu.



Saida mak akontese ba ha'u-nia informasaun?

Programa Ezame-médiku Servikál Irlanda Norte regularmente avalia informasaun ezame médiku nian atu monitoriza no hadi'a kualidade husi programa no koñesimentu husi pesoál espesializadu sira. Pesoál sira ne'ebé servisu ba programa ne'e bele haree no avalia Ita-nia informasaun sira. Kualkér informasaun ne'ebé iha relasaunho Ita sei nafatin konfidensiál.

Karik ami sei avalia Ita-nia rezultadu ezame médiku uluk nian se Ita hetan diagnosa ho moras kankru servikál. Ita bele haree rezultadu husi auditoria ida ne'e se Ita hakarak.

Se Ita presiza informasaun kona-ba oinsá ami rai no utiliza Ita-nia informasaun sira, Ita bele kontaktu programa ezame médiku ne'e iha screening.cervical@hscni.net

Informasaun kle'an liu tan

Se Ita iha perguntas seluk tan kona-ba Ita-nia kondisaun ka tratamentu ne'e, keta demora atu ko'alia ho Ita-nia GO ka klinika kolposkópia. Sira sei bele ajuda Ita.

Informasaun kle'an liu nian, vizita:

www.jostrust.org.uk/information/colposcopy

Folleta ne'e iha lian ka formatu seluk, vizita:

pha.site/cervical-screening-translations



Public Health
Agency

Public Health Agency

12-22 Linenhall Street, Belfast BT2 8BS.

Telephone: 0300 555 0114 (presu lokál).

www.publichealth.hscni.net

Hetan ami iha:



YouTube



www.becancerawareni.info